

Ké máci ápacitáyan óma maskikíy Ozempic

Kína éko ana maskikíwinini(wiskwéw) ásay kíkí kísweníténáwáw óma ta máci otinaman anima maskikíy. Ozempic ká itakik kita wíchikoyan ta natawotáyan anima sokáwáspinéwin Type 2 ká itakik. Éko mína kisténitákon anima kita pimitisayaman kékwána kékí míciyan éko tánisi kékí isi nóci kéyan ta kísikáw wina anima ká isko itisita anikik maskikíwininiwak ká paminiskik anima oci Ozempic.

Tánisi kékí isi máci ápacitáyan anima maskikíy Ozempic?

Ayíw nistom 0.25 mg <i>Inikok péyak písím ta ispanit</i>	Éko kika máci otinén oménikok 0.5 mg <i>(kita minoskákoyan)</i>	Kisáspin natawénitamaniy, óma inikok kika otinén 1 mg* <i>Ká isi pakitinis ana ká paminisk maskikíwinini(wiskwéw) kita otinam inikok táti mino ayáyan)</i>
---	--	---

Nistom ká máci otinaman anima maskikíy Ozempic 0.25 mg inikok éko ékosi ta itótaman péyak písím ispaniciy. Éko kí kísitányaniy anima péyak písím, ékwáni awasimé kikakí otinén anima maskikíy nántaw 0.5mg péyak é ispanik. Kisáspin anima ki miko sokáwáspinéwin mwác wí nahítámakan anima piko 0.5 mg maskikíy ká ápacitáyan, ékwáni ana maskikíwinini(wiskwéw) kitakí nakastáw 1 mg isi ta otinaman pápéyakwá é ispanit. Káwina awasimé isi otina anima maskikíya pátimá kí wítamáskik ékosi ta itótaman ana ká paminak maskikíwinini(wiskwéw).

Tánté kékí isi cístahosoyán ta mínisoyán anima maskikíy Ozempic?



Anté máwaciy kika minotátákon anima maskikíy kita cístahosoyan Ozempic kipwámik, níkan anta katák (matay), wéká anta kispiton.

Tánisi kékí isi ápacitáyan anima Ozempic cístahowéwina?



NISTOM

Wawénihisow

Itápi ésinikáték éko itasinastahikaték anima káwí oci cístahosoyan ta kécináhoyan kawisk inikok anima maskikíy kita mínisoyan.

Ntawác kécináho anima káwí oci cístahosoyan **ékí kánákok éko é wápákamik** anima Ozempic káwí mínisow.

Kikamotá kotak **oski** cístahikan.



ÉKO ÉKOTA OCI

Itápi máti ké isi kitápoték

Tantwá **oski** cístahikan wí ápacitányani, anté itina anima inikok ká natawénitaman ta oci kitapéoték maskikíy ina anima ká isi niskinawácasinahikáték ta itótaman. Mákon éko micimina anima mákonikan inikok kita minopanik. Ékosi ká kítwám itóta inikok ta máci kitásikawak anima maskikíy.



ÉKOTA OCI ÓMA KITA ITÓTAMAN

Náwasóna tánikok ká natawénitan anima maskikíy. Anté itina inikok kita nókopanik ta oci kitahoték anima maskikíy (0.25 mg wéká 0.5 mg).

Kisáspin kitápacyáw ana ásay 1 mg é isi kawátaskiték cístahowéwin, anta itina ita ta oci kitásikiwak anima maskikíy 1 mg inikok.




ÉKO ÓMA ATI ITÓTA

Cístahoson

Tápitaw ápacitá anima tánikok étaskiné k maskikíy éko anima ka masinahiképaniw tánikok takí otinanan anima maskikíy émwés cístahosoyan.

Anihi piko óma ká yá itaskinéki anihí maskikíya 0.25 mg, 0.5 mg, wéká 1 mg (kákí isi mínisk ana maskiy kíwinini(wiskwéw)) éko piko éyako kíkákí mínison.

Cístahosow. Éko mákona inikok kita kisi cístahosoyan. Ispik kí kiskwá násipaniki anima ká nókopanik akítasowin kí isinakoki, **éko níkotwáswá kika papéyak pakitatámon inikok kita kísitáyan anima ká itótamásoyan.**



ÉYAKO ISKAWÁC KITA ITÓTAMAN

Papéyatak mani ocipita anima kákí oci cístahoyan

Papéyatak kicipita éko ati wépina anima kákí kiskwá ápacitáyan cístahosiwin. Éko néyáp kikamotá anima pímkianikipáskonikan.

Ntawác piko anté itápi anta ká isi masinahikáték kita isi ápacitáyan óhi anima ká itasték Onanátawéwéw Kiskénitamona Ácinókéwasinahikan.

* Anima maskikíy Ozempic nísw itowa takonwa máci, wina ké itwét ana maskikíwinini(wiskwéw) tániwé kina ta minikawiyán.


Pakitinínán ta wápatiníták tánisi óma kita isi itótaman! Masinitá anima QR masinástahikan anima ta ápacitáyan kicakástécicikan wéká óté itápi Ozempic.ca ta kinawápatan tánisi kita isi ápaciyat ana Ozempic cístahowéwin.



Tánisi máka ké ispanihikoyán kisáspín pisci wanikiskisiyána ta otinamán anima nimaskikím Ozempic?

Káwina wíwakwé mískwacyi otina kiyám ékí patayaman péyak kiyám piko pimitisaya kákí itasinahikáték kita itótaman.

Kisáspín nántaw nóntaw niyánan kíkikáwa iskawác kákí otinaman anima kicístahósowin, Ozempic sémák ékosi itóta éskwá kiskisopaniyan éyako. Mína anís kítwám kika máci otinén anihi kimaskikíma anima anta ká itasinahikáték ispík ékosi kita itótaman.



Kisáspín nántaw nóntaw niyánan kíkikáwa iskawác kákí otinaman anima kicístahósowin, Ozempic sémák ékosi itóta éskwá kiskisopaniyan éyako, mína anís kítwám kika máci otinán anihi kimaskikíma anima anta ká itasinahikáték ispík ékosi kita itótaman.

Kita aswénitaman kékwána óma oci maskikíy

Mwésci isi kakinaw maskikíya, anima Ozempic kikakí masciskákon, máka wina móna kakinaw awiyak ékosi kita itiskáko ékwéniw. Ayíw wésám piko kita nókok anima ési maciskákoyan Ozempic, kita macamatámoyan (éwi páka mocémacamoyan wéka kika sápokáwisin) máka wípac ékota oci ki ati máci minomacihon. Kisáspín ékosi itamacihoyani, apók étoké óhi itótamani kika mino itótákon ta wícihikoyan:

- Ayápisís, máka nawac wá wípac má mícisoyi
- Káwina otina éwíninowaki wéka é osámi síwáki mícima éko anima nanátok minikwéwina
- Anihi mícíy, ká mino nóskikatékiw mícima
- Papéyatak mámákwata ki mícim
- Káwina minikwé anihi ká pístéyákamipaniki, ká pótácikeyákamipanik wéka anihi kiskwépéwi minikwéwina óma ispík
- Mistahi tápitawi minikwé nipíy
- Papámi sésáwi ispík kí kiskwá mícisoyani, tápiskóc anima papámotéwin
- Káwina wí wawénisini kanakwé wina níso é ispanit písimokán óma ispík ká iskwa mícisoyan
- Óhi mína kotaka kékwána kiskénitamona: _____

Ayamitá anima étasinahikáték kiskinahótowi masinahikan Patient Information Leaflet ká itasték kita ayamitáyan tánisi mína pakán kékí isi maciskákoyan óma itowa maskikíy. Kakitosik anikik mino ayáwin ká paminakik ta wícihiskik kisáspín nántaw ki tisi maciskákon anima maskikíy éko tánisi ta itótaman kita nákcitáyan éká ta wanitótakoyan.



Kinatawénitén ná awiyak pakán ékwéniw oci tapé wá wícihis?

Cakástétitá anima Ozempic éko anima mákonikanis ápacitá ta oci itótamásoyan éyako!

Anima Ozempic kimaskikím ésinikáték (DIN) ká itakik ékota oci kiskénikáték tántowa anima éko tánikok ká natawénitaman maskikíy.

Anima DIN kikakí miskén émasinahikáték anta anima káwi oci cistahosoyan



Ká natonaman kotaka kiskénitamona? Ciskástétitá anima QR ká itasinihikáték ta ápacitáyan wéka óté itápi Ozempic.ca!



Kotaka kiskénitamona émasinahikátéki kika mínik ana ká natawihis maskikíwinini(wiskwéw):

Tánispík kítwán ta wámapis: _____ / _____ / _____ Nititayén A1C: _____

Ayíw óma oci ápacitáwin kita wítamákawiyán kici kékwána anima oci maskikíy Ozempic. Máka wina, átit piko ita kékwána mámawasinahikátéwa éko móna kakinaw kika wítamákon ta isi pamitáyan anima sokawáspínéwin type 2 ká itakik óma ta ápacitáyan anima maskikíy Ozempic. Anima ayamitá Patient Information Leaflet masinahikan awasimé kiskénitamona ita takonwa wéka kakitosik anikik ká paminakik mino ayáwin éko kisáspín kitáyán kakwécikémona anima oci sokawáspínéwin type 2 ká itakik éko tánisi ta isi ápacitáyan anima Ozempic oci natawihoyan.



Kakinaw anihi masinahikéwina tipénitam awa Novo Nordisk A/S éko tawanimáwiw masinahika kí oci otinamwak Novo Nordisk Canada Inc. **Novo Nordisk Canada Inc.**, pé isi ayámi: (905) 629-4222 wéka óté itápi 1-800-465-4334. www.novonordisk.ca © Novo Nordisk Canada Inc. CA200ZM00048E

